

道德真經新註卷之三

能三

道德真經新註卷之三

能三

李

約

註

德經上

凡四十一章

上德不德人不見其迹則謂之不德是以有德物不改其樸然後知有德下德不失德慕

前王之美恭守而不墜是以無德物性稍移是知無德上德無爲而無以爲不爲而得下德爲之而有以爲爲而得也上仁爲之始化道而爲仁也而無以爲雖爲之而無心上義爲之始化道而爲義而有以爲專於制斷上

禮爲之始化道而爲禮而莫之應則攘臂而  
仍之贈答失所故有斯怒故失道而後德上  
德合道故云失道下德次之此所以有德有  
仁有義有禮既失上德則下德繼之失德而  
後仁下德有失仁教嗣興失仁而後義仁教

能三

又替義方遂行失義而後禮是非合宜已謝

於時拜跪玉帛將盛於世夫禮者忠信之薄

而亂之首亂者君不君臣不臣父不父子不

子也忠信者道德也若以禮比於道德誠爲

衰薄用救於亂則捨禮何從前識者是先識

禮人也道之華禮可以悅人之目是謂道花也古花字今華字是也而愚之始適可為愚者檢逸之初也是以大丈夫大丈夫者丈夫雄者也丈夫之雄性必方直不徇浮俗故昌言云若大丈夫則必行道德不敦古禮也處其厚不處其薄必致身於道德不置身於衰薄居其實不居其華實如草木之實能實人之腹故居之花如草木之華徒閱人之目故不居也故去彼取此去花而取實

昔之得一者在下文也天得一以清地得一

以寧谷得一以盈神得一以靈萬物得一以  
生侯王得一以為天下貞自天地已降至于  
侯王所以能清等皆得道之一故令侯王正  
身以正於人故云天下貞貞正也其致之既  
知得道其致之如是豈得失之哉天無以清

能三

二

將恐裂地無以寧將恐發谷無以盈將恐竭  
神無以靈將恐歇萬物無以生將恐滅侯王  
無以貴高將恐蹙蹙顛覆也若得之而不守  
故其患若此也故貴以賤為本王貴也民賤  
也王以民為本故有民則有王也高以下為

基九仞之山一簣之基若為基不固山必頽  
矣將存其貴不安於民則民散而王蹙矣是  
以侯王自謂孤寡不穀此其以賤為本耶非  
乎孤子無父也寡婦無夫也不穀生無養也  
此三者人之所惡而侯王稱之豈非以賤為  
本耶非乎者言正是以賤為本也故致數與  
無與就與數之但得輪轅等衆材也則就王  
數之但得卿士等此民也若散衆材則無成  
與之日不安兆民焉有為王之時不欲碌碌  
如玉落落如石碌碌貴貌也落落賤貌也玉

雖貴因石而生玉雖尊因民而有以此不欲  
如玉欲如石者敦本故也

反者道之動道體寂今也動反也所以反者  
為物性之有剛也故設權剛以待之亦冀反  
其寂也弱者道之用柔弱者道之常用物皆

能三

三

知之令再明者恐因權剛之義便謂道用合  
然矣天下萬物生於有萬物皆自有形天地  
而生也有生於無即有形天地自道而生道  
無也

上士聞道勤而行之聞之而悟遂勤行而反

本中士聞道若存若亡聞之而疑猶可教也  
使知道也下士聞道大笑之聞之而惑故大  
笑則不可使白方也不笑不足以爲道道為  
下士入耳之音則不足為貴建言有之建立  
也立言明中下二士疑其大笑之由明道若  
昧行昭而用晦也進道若退內勤而外急也  
夷道若類類絲之不勻者履平而若險上德  
若谷無心而善應也大白若辱性潔而迹汚  
也廣德若不足道不形於色也建德若偷才  
不露於外也質真若渝至絕反如濫也大方



無隅無岸谷可見也大器晚成不日求以得也  
大音希聲希無也無聲樂也大象無形無狀之狀  
道隱無名自建言已下皆是大道隱於無名也  
故上士洞悟而勤行中士疑而進退下士惑而大笑  
識此之由夫唯道善貸且成道不以三士不同亦均貸和氣皆使生成而勤行者獨還和於道中而疑笑者並乾沒於元氣也

道生一謂應感而生一氣也一生二一始生陰氣二始生陽氣也二生三三者陰陽相感

通而生和氣也三生萬物和氣聚而生萬物也萬物負陰而抱陽沖氣以為和凡物皮質外周曰負陰皮質陰氣為也骨髓內充曰抱陽骨體陽氣為也道氣柔弱貫通其間而和之入之所惡唯孤寡不穀而王公以為稱王

能三

四

公之和氣柔弱為萬物本故能以不祥為稱是以為天下君故物或損之而益稱不祥誠自損也物無不實非益而何或益之而損恃貴者已自益也民皆離心非損何也人之所教亦我義教之人欲立教教人者亦當以我

柔弱之義教之則服膺者莫不歸於性命之  
城強梁者不得其死君強暴則失臣下之心  
覆亡無日人強梁則爲衆所加顛躓可待吾  
將以爲教父父人之先也吾以柔弱之義爲  
衆教之先

天下之至柔馳騁天下之至堅夫和氣者天  
下至柔之物也若人馳騁之則化爲天下至  
堅之物無有入於無間將欲復和氣而爲至  
柔者但能無有馳騁之志明和氣自入於無  
間之心化爲至柔之物也吾是以知無爲之

有益老子云我見無為馳騁者則能令和氣  
長在於心柔弱而長生也所以知無為有益  
於人也不言之教無為之益天下希及之不  
言於人無為於己其為益也天下罕能及此  
名與身孰親名可捨身不可捨則何者踈也

能三

五

身與貨孰多貨失而可求身亡而難得則何  
者少也得與亡孰病得則亡身亡則全真則  
何者為利故甚愛必大費欲過於分所損亦  
重多藏必厚亡積而不散十九而死知足不  
辱足於心則常榮知止不殆止於分則常安

可以長久必無中道而夭  
大成若缺德全者故貌如不足也其用不弊  
其應物也無所不能也大盈若冲內實者故  
外如虛也其用不窮至於濟衆未嘗竭也大  
直若屈含垢而不申也大巧若拙不矜其能  
大辯若訥似不能言躁勝寒物極則反故夏  
至則一陰生乎其中矣靜勝熱否極則泰故  
冬至則一陽生乎其中矣清靜爲天下正正  
者躁靜之中則二月八月也故大成以下至  
于大辯皆適躁靜之中得天下之正者也

天下有道却走馬以糞有道之主嗣庸君之  
後則必撥亂反正偃武修文是以前王所徵  
之馬走在道路今我不用却使還家糞理農  
業天下無道戎馬生於郊無道之君繼清平  
之後恃以府藏充實遂好攻戰侵人土地所  
以士不解鞍長在境上罪莫大於可欲於求  
物之中尚有其數禍莫大於不知足經於目  
者輒無所捨咎莫甚於欲得見與不見咸欲  
求之則天下之物靡有孑遺此皆無道之君  
所行之事故知足之足知止於足則土階茅

茨未爲不足常足矣不踰於分貴安人此有道之君也

不出戶以知天下以身度之天下可知不窺牖以見天道法天而行不必窺牖其出彌遠其知彌少不知民安在於無事反爲事以安

能三

六

之則事出彌遠而民安彌少是以聖人不行而知知民安由己已但無事則民安矣不必行於天下也不見而名守道在位則太階自平豈待窺牖見而明之不爲而成成此至理由乎不爲也向若爲之則無因及此也

爲學日益爲學者日益聞見也爲道日損爲  
道者日損云爲也損之又損一損尚淺再損  
方深以至於無爲損至於無損乃遊乎環中  
無爲而無不爲功成不宰是無爲生成萬有  
是無不爲也取天下常以無事無事無爲不  
順人之事言與衆同好惡非自取便於身之  
事也及其有事不足以取天下若取便身之  
事則煩人人煩則離散安可以取天下也聖  
人無常心如虛舟之泛然也以百姓心爲心  
百姓所樂者君爲成之善者吾善之不違其



性不善者吾亦善之德善聖人自善身而惡者自化之為善矣終不役物以從已也信者吾信之不奪其志不信者吾亦信之德信聖人自推誠於天下而人自化之為信非制之使為也聖人在天下慄慄焉聖人在天下常

能三

七

慄慄焉軫慮慮一物之不安也為天下渾其心天下之民欲乎無事故吾渾心同民之欲百姓皆注其耳目百姓皆傾注耳目以觀聽聖人從民之欲否聖人皆孩之聖人念而撫之如赤子寧忍以事擾之

出生入死邪妄出於心則生入則死生之徒  
十有三死之徒十有三內五藏外八使耳目  
鼻口手足及三漏內外都十三之徒侶也八  
使馳於外五藏納於內共陷人以至死若以  
無事各清其司則致人以全生也又云五藏

五形三田為十三頭及四肢為五形三田黃  
庭經云上丹田腦也中丹田心脾之間下丹  
田腎中氣海也人之生動之死地十有三人  
之求生誣誣然咸投足於死地者亦由十三  
誘之夫何故問徃死地之由以其生生之厚

對曰蓋緣過求世物充養太豐是使十三之  
徒殺人得便也蓋聞善攝生者攝養也善養  
生者則約彼十三於清靜之中放此一身於  
忘形之地陸行不遇兕虎兕虎皆猛獸能以  
爪角傷人我無害物之心故不值此類入軍  
不被甲兵兵能殘人甲可禦害我無鬪志故  
不假帶此器兕無所投其角虎無所措其爪  
兵無所容其刃若專以害物為心則雖蜂虿  
至微不能不以毒中人也而況虎兕等乎苟  
無傷物之志雖被猛獸利兵又何以加我乎

又云兕虎甲兵比類身中貪邪也言清靜無  
為則禍患無因而入疾病無由而生也夫何  
故問免死之由以其無死地十三之徒為清  
靜所排不令引五賊三尸入於心地則無死  
地可入也若失清靜於毫釐則五賊三尸間

能三

八

隙而進得措其角爪刃矣

道生之始貸氣也德畜之遂含育也物形之  
質方具也勢成之四時更生物遂化就是以  
萬物莫不尊道而貴德物雖至愚未有不知  
父母而尊貴之道之尊德之貴夫莫之爵而

常自然世人之尊貴者為受帝王錫命也而  
道德不假於此自有生成之功故為物所尊  
貴也故道生之畜之長之育之成之熟之養  
之覆之有如此力故不假爵命也生而不有  
有則收其仁也為而不恃恃則居其功也是  
謂玄德可謂陰德

天下有始始本也萬物資之所以生以為天  
下母母養也萬物由之所以成既知其母又  
知其子以知道之母物為之子明矣既知其  
子復守其母既知子由生則知守母以存其

子沒身不殆道既扶之何危之有塞其兌緘  
無厭之目也閉其門杜多言之口也終身不  
勤遂形逸而神王開其兌濟其事民之於欲  
也甚勤以道防閒猶恐其逸況開濟者乎終  
身不救禍已成矣不可匡救見小曰明造形

能三

九

則悟守柔曰強積弱所致也用其光復歸其  
明觀守毋存子之法得法則收視而守中見  
小守柔是其法也無遺身殃能不以禍自償  
是謂襲常可謂潛至長生之道耶茲是畧舉  
使我介然有知行於大道介孤介也疾時不

行正道之道故曰若使我孤介之士有知天下之分則使直道大行於天下唯施是畏唯獨也獨施正直是畏衆邪大道甚夷實君臣之坦途也而人好徑以時人好邪道我權輕不能制朝甚除盛修飾也田甚蕪奪民時也倉甚虛民乏食也服文綵君財豐也帶利劍好戎裝也獸飲食飫珍羞也財貨有餘厚歛得也是謂盜諄不義而得非盜而何曾無作色乃更諉示非道也然也哉者歎辭也盜已非道况更矜諉誠如斯人實堪與歎

善建者不拔善建國立身者必以德以德者  
則身不危而國不拔拔傾拔也善抱者不脫  
脫失也夫建國者抱民立身者抱神若皆以  
德則無脫失也子孫祭祀不輟輟止也善以  
德建國抱民者則子孫繁昌世世祭祀不輟

止時也修之於身其德乃真以德修身諸偽  
咸盡修之於家其德乃有餘以德修家慶流  
後嗣修之於鄉其德乃長以德修鄉日益遠  
大修之於國其德乃豐豈以德修國君民充實  
修之於天下其德乃普以德修於天下則比



屋可封化被異域故梯山航海而朝貢焉故  
以身觀身以家觀家以鄉觀鄉以國觀國以  
天下觀天下但對觀之則興亡可見吾何以  
知天下之然以此以上事所以知之也

含德之厚比於赤子夫懷德深者性之與狀

能三

十

垂如赤子赤子以其始生其色赤故因而名  
之毒蟲不螫毒蟲者蜂蠆也以尾端肆毒曰  
螫猛獸不據猛獸虎豹也以爪拏按曰據攫  
鳥不搏攫鳥鵬鷃也以羽距擊觸曰搏含德  
之士盡喪諸偶全其神故得三者常避之又

云三者比身中貪邪毒害也言舍德如赤子  
則貪邪毒害無由干身也骨弱筋柔而握固  
未知喜怒而權握至堅者性專也未知牝牡  
之合而峻作精之至豈識男女之會而陰常  
勁者精全也終日號而嗑不噉和之至雖啼  
之竟日而聲不斯者和之極也知和曰常赤  
子有此三能者以和之至也而舍德之士知  
之故常存知常曰明能知常存可謂明矣益  
生曰祥於自然之分加之毫芒則化凶為祥  
也心使氣曰強和氣至柔而為強者由心發

怒使之然也物壯則老壯固老之階也是謂  
不道既不能自老反少則必無今和之道不  
道早已今止而不為也

知者不言忘言者知之盛也言者不知未知  
故滯言也塞其兌不要目視閉其門不假口

能三

十二

說挫其銳摧其志也解其紛虛其心和其  
光時明則明同其塵時暗則暗是謂玄同無  
所不同故不可得而親仁不見也不可得而  
踈迹無汚也不可得而利善外物也不可得  
而害不貪餌也不可得而賤抱道德也故為

天下貴為人至此始可為天下至道  
以政治國用教令者以竒用兵尚詐計也以  
無事取天下獨無事者取天下人心順而為  
帝王與夫二子之為理豈同日而論哉吾何  
以知天下之然以此我何以知以政與以竒  
不足以取天下唯無事者乃能取天下之心  
而為之主以下文知也天下多忌諱而民彌  
貧此說以政之君也禁令繁密民皆慮其抵  
犯不敢云為日至貧也民多利器國家滋昏  
民皆畏死因須挾藏弓矢以衛其生故國家

日益昏亂人多伎巧竒物滋起此說以竒之  
君也志在用兵篤好奇詐兼崇攻守之具則  
民莫不役智作淫竒之物也法令滋彰盜賊  
多有法物者則巧極人之所作之物也所作  
之物出於常情獨懸善價是以多有竊其法  
式盜其財物由法物滋彰之過也故聖人云  
我無爲而民自化我但拱默而已而民皆化  
之我好靜而民自正我但以靜自持而民皆  
化不爲邪也我無事而民自富我但無事民  
不失業當自富矣我無欲而民自樸我但無

欲而民自崇本也

其政悶悶君不生事以擾民似悶悶然無所  
能為其民淳淳民安於清靜之中故日益於  
敦厚也其政察察君政嚴而民無所措其手  
足其民缺缺動則觸網故畏而避之由是日

能三

十二

益凋殘禍兮福之所倚倚因也聰明之君省  
已修德從凋殘之中一變為淳和也福兮禍  
之所伏伏藏也庸昏之主以淳和為已德遂  
虐法從淳和之中復化為凋殘也孰知其極  
如紂纒也其無正耶禍福倚伏豈無正耶必

有正耳正在有道之君也正復為奇善復為  
妖人之迷其日固久以正為詐以善為妄此  
迷惑之人常情也人為此迷非一朝一夕之  
故其所由來久矣是以聖人方而不割自正  
而不惡物邪直而不肆不引之使人見光而  
不耀葆之而不炫也廉而不穢不以已潔而  
嫌物污

治人事天莫如嗇嗇儉也治人得人心事天  
合天道無如節儉夫唯嗇是謂早服夫獨能  
行儉德者則民無不早賓服也早服謂之重

積德儉德為一，早服為二，自一至二謂之重。  
積重積德則無不克，克能也。積德則無不能  
也，無不克則莫知其極，無所不能則不可量  
也。莫知其極，可以有國；德不可量，然後能為有  
土之君。有國之母可以長久，母養也。有國有

能三

十三

民以道養之，則社稷福祚可以久長矣。是謂  
深根固蒂，長生久視之道。如藝樹，根深則蒂  
固，雖有大風亦不能拔其本；落其花實也，積  
德之君，其厚國也。亦如是矣。凡言長生久視  
言聖人立法於不朽，以濟活天下無窮之利。



非存有礙之形也

...

...

...

道德真經新註卷之三



